

**ACORDO DE COLABORACIÓN ENTRE A CONSELLERÍA DO MAR E A AXENCIA PARA A MODERNIZACIÓN TECNOLÓXICA DE GALICIA PARA A DEFINIÇÃO E O DESENVOLVEMENTO DUN SISTEMA DE INFORMACIÓN QUE DE SOPORTE Á XESTIÓN DOS DESCRITORES DO BO ESTADO DO MEDIO MARIÑO (DMEM) E Á INFORMACIÓN DE INDICADORES DE SAÚDE DAS POBOACIÓNS EXPLOTADAS.**

**MEMORIA XUSTIFICATIVA**

A Directora Xeral de Desenvolvemento Pesqueiro da Consellería do Mar, **DECLARA:**

Que esta Dirección Xeral de Desenvolvemento Pesqueiro formalizou coa Axencia para a Modernización Tecnolóxica de Galicia (AMTEGA) o instrumento convencional arriba referido por un período de vixencia que abrangue dende a súa sinatura, 8 de abril de 2025, ata o 30 de novembro de 2026.

Que o instrumento convencional ten por obxecto:

Establecer as pautas que se seguirán na colaboración entre a Consellería do Mar e a AMTEGA para a definición e o desenvolvemento dun sistema de información que de soporte á xestión dos descritores do bo estado do medio mariño (DMEM) e á información de indicadores de saúde das poboacións explotadas.

En particular, o acordo regula os compromisos das partes para a execución conxunta das mencionadas actuacións, incluíndo a organización do traballo, a xestión e xustificación da realización das mesmas, os dereitos e obrigas das partes, a distribución dos fondos e a titularidade dos resultados, así como a resolución dos posibles conflitos.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional asinado se fundamenta no seguinte:

- Por Orde do 27 de xuño de 2022 créase a Rede entre o sector pesqueiro e os organismos científicos da Comunidade Autónoma de Galicia, coa finalidade de fomentar o intercam-



Actuación cofinanciada polo FEMPA nun 70%. P.O. español 2021ES14MFP001 [Prioridade 1 – OE1.6] – T.A. 1.6.3] - OIX: D.X. de Desenvolvemento Pesqueiro

bio e a transferencia de coñecementos entre os organismos científicos, o sector pesqueiro e a administración pesqueira de Galicia.

- O Regulamento (UE) 2021/1139 do Parlamento Europeo e do Consello, do 7 de xullo de 2021, polo que se establece o Fondo Europeo Marítimo, de Pesca e de Acuicultura (FEMPA), establece o seguinte obxectivo para o período 21-27: "Manter a pesca como actividade produtora sostible mediante a xestión sostible e a conservación dos ecosistemas mariños". Por outra banda, a prioridade 1 do artigo 3 do citado Regulamento 2021/1139 fai mención a "fomentar a pesca sostible e a recuperación e conservación dos recursos biolóxicos acuáticos", desenvolvendo obxectivos específicos entre os que se atopan: reforzar as actividades pesqueiras que sexan económica, social e medioambientalmente sostibles, obter datos fiables que permitan tomar decisións baseadas no coñecemento e contribuír á protección e á recuperación da biodiversidade e os ecosistemas acuáticos.
- Os proxectos aprobados pola citada Rede financiaranse nun 70% con cargo ao Fondo Europeo Marítimo, de Pesca e de Acuicultura (FEMPA).
- Na xuntanza ordinaria da Rede celebrada o 30 de xullo de 2024, esta valorou positivamente a realización dun acordo de colaboración entre a Consellería do Mar e a AMTEGA para a definición e o desenvolvemento dun sistema de información que de soporte á xestión dos descritores do bo estado do medio mariño (DMEM) e á información de indicadores de saúde das poboacións explotadas, considerando a realización da proposta presentada, aliñada coa finalidade da Rede, de interese para os seus participantes e para o sector pesqueiro en particular, así coma para o ben común e interese xeral.
- Por outra banda, segundo o Estatuto da Axencia para a Modernización Tecnolóxica de Galicia aprobado polo Decreto 252/2011, do 15 de decembro, a AMTEGA ten entre as súas competencias, a dirección e xestión de todas as actuacións da Xunta en materia de tecnoloxías da información e as comunicacións e o deseño e liderado de iniciativas que contribúan a impulsar o desenvolvemento da sociedade da información en Galicia.
- A Consellería do Mar, e a Axencia para a Modernización Tecnolóxica de Galicia (AMTEGA) consideran esencial a participación conxunta para a definición e o desenvolvemento dun sistema de información que de soporte a xestión dos descritores do bo estado do medio mariño (DMEM) e á información de indicadores de saúde das



Actuación cofinanciada polo FEMPA nun 70%. P.O. español 2021ES14MFPR001 [Prioridade 1 – OE1.6] – T.A. 1.6.3] - OIX: D.X. de Desenvolvemento Pesqueiro

poboación explotadas que redundará nunha mellora da información dispoñible dos distintos recursos. A AMTEGA desenvolverá unha solución que dará cobertura para:

- A xestión dos descritores do bo estado do medio mariño
- Os indicadores de saúde das poboacións explotadas independentemente das capturas, que xestionan información de avaliación de stocks de recursos marisqueiros.
- Os indicadores de saúde das poboacións de especies marisqueiras explotadas dependentes das capturas, que rexistran a información das capturas co nivel de detalle de interese.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria.

Santiago de Compostela, na data da sinatura dixital

A Directora Xeral de Desenvolvemento Pesqueiro

Marta Villaverde Acuña

